

**INTERNACIONALNI BURČ UNIVERZITET  
INTERNATIONAL BURCH UNIVERSITY**



**PRAVILNIK O UPISU STUDENATA, KRITERIJIMA ZA STICANJE  
VISOKOŠKOLSKIH KVALIFIKACIJA, PRIZNAVANJE POLOŽENIH  
PREDMETA I EKVIVALENCIJI NA VISOKOŠKOLSKOJ USTANOVI  
INTERNACIONALNI BURČ UNIVERZITET**

**Januar 2020.**

Na osnovu člana 130. Zakona o visokom obrazovanju (Službene novine Kantona Sarajevo, broj: 33/17) i čl. 22. Statuta visokoškolske ustanove Internacionalni Burč univerzitet – International Burch University Senat Internacionalnog Burč univerziteta je dana 29.01.2020. godine, na 176. sjednici, usvojio

## **PRAVILNIK O UPISU STUDENATA, KRITERIJIMA ZA STICANJE VISOKOŠKOLSKIH KVALIFIKACIJA, PRIZNAVANJE POLOŽENIH PREDMETA I EKVIVALENCIJI NA VISOKOŠKOLSKOJ USTANOVI INTERNACIONALNI BURČ UNIVERZITET**

### **I. OPĆE ODREDBE**

#### **Član 1.**

Ovim Pravilnikom uređuju se pitanja i kriteriji za upis, registraciju i sticanje visokoškolskih kvalifikacija domaćih studenata (državljeni Bosne i Hercegovine) i međunarodnih studenata (osobe koje nemaju državljanstvo Bosne i Hercegovine) na visokoškolskoj ustanovi Internacionalni Burč univerzitet – International Burch University (u daljem tekstu: Univerzitet), postupak priznavanja i ekvivalencije položenih predmeta sa drugih domaćih ili stranih visokoškolskih ustanova Internacionalom Burč univerzitetu, postupak priznavanja položenih predmeta studenata Univerziteta prilikom prelaska sa jednog na drugi studijski program, te priznavanje ECTS studijskih bodova licima koja su stekla zvanje magistra nauka/umjetnosti po predbolonjskom sistemu obrazovanja.

### **II. UPIS STUDENATA**

#### **1. Kriteriji za domaće studente**

##### **1.1. Upis na dodiplomski studij - svi fakulteti**

###### ***a) Kriteriji za upis na studijski program***

#### **Član 2.**

Za prijavu na konkurs za upis u prvu godinu prvog ciklusa studija kandidat je dužan podnijeti sljedeće dokumente:

- originalna srednjoškolska diploma;
- originalna svjedočanstva iz srednje škole (svjedočanstva o završetku I, II, III i IV razreda srednje škole);
- izvod iz matične knjige rođenih;
- uvjerenje o državljanstvu;
- ljekarsko uvjerenje;
- fotografije 4x (veličina kao za pasoš).

###### ***b) Kriteriji za registraciju na studijski program***

#### **Član 3.**

Za registraciju u okviru određenog studijskog programa, kandidat je obavezan:

- ispuniti upisni list i ŠV obrazac;

- dokazati poznavanje engleskog jezika prema sljedećim kriterijima (pri prvoj registraciji):
  - a. položiti test engleskog jezika koji organizira Univerzitet – u slučaju da ovaj kriterij nije zadovoljen student je obavezan pohađati i uspješno okončati nastavu u okviru Pripreme škole engleskog jezika
  - b. poznavanje određenog nivoa engleskog jezika može se dokazati i međunarodno priznatim certifikatima o poznavanju engleskog jezika kako slijedi:
    - TOEFL – Paper based test: minimum 453 boda, Internet based test: minimum 46 bodova
    - IELTS (academic) – minimalni nivo 5.5
    - FCE (Cambridge English: First) – minimalni nivo C
    - drugi međunarodno priznati certifikat uz odobrenje Pripreme škole engleskog jezika
  - c. izuzetak: kandidati koji su prethodno obrazovanje završili na engleskom jeziku nisu dužni polagati test engleskog jezika
- izmiriti postojeće finansijske obaveze prema Univerzitetu ako su iste nastale od momenta potpisivanja ugovora o studiranju do momenta registracije u okviru studijskog programa;
- registrovati predmete predviđene nastavnim planom i programom.

## 1.2. Upis na magistarski studij – svi fakulteti

### a) *Kriteriji za upis na studijski program*

#### Član 4.

- (1) Za prijavu na konkurs za upis u prvu godinu drugog ciklusa studija kandidat je dužan podnijeti sljedeće dokumente:
  - originalna diploma dodiplomskog studija;
  - originalni dodatak diplomi odnosno uvjerenje o položenim ispitima za studente koji su dodiplomski studij okončali po starom/predbolonjskom programu;
  - izvod iz matične knjige rođenih;
  - uvjerenje o državljanstvu;
  - ljekarsko uvjerenje;
  - fotografije 4x (veličina kao za pasoš).
- (2) Pored dokumenata iz stava (1) ovog člana, obavezni kriterij za upis na studijski program je i intervju kandidata pred komisijom koju imenuje šef odsjeka.

### b) *Kriteriji za registraciju na studijski program*

#### Član 5.

- (1) Za registraciju u okviru određenog studijskog programa, kandidat je obavezan:
  - ispuniti upisni list i ŠV obrazac;
  - dokazati poznavanje engleskog jezika prema sljedećim kriterijima (pri prvoj registraciji):
    - a. položiti test engleskog jezika koji organizira Univerzitet – u slučaju da ovaj kriterij nije zadovoljen student je obavezan pohađati i uspješno okončati nastavu u okviru Pripreme škole engleskog jezika
    - b. poznavanje određenog nivoa engleskog jezika može se dokazati i međunarodno priznatim certifikatima o poznavanju engleskog jezika kako slijedi:

- TOEFL – Paper based test: minimum 500 bodova, Internet based test: minimum 60 bodova
  - IELTS (academic) – minimalni nivo 6.0
  - FCE (Cambridge English: First) – minimalni nivo C
  - drugi međunarodno priznati certifikat uz odobrenje Pripremljene škole engleskog jezika
- c. izuzetak: kandidati koji su prethodno obrazovanje završili na engleskom jeziku nisu dužni polagati test engleskog jezika
- izmiriti postojeće finansijske obaveze prema Univerzitetu ako su iste nastale od momenta potpisivanja ugovora o studiranju do momenta registracije u okviru studijskog programa;
  - registrovati predmete predviđene nastavnim planom i programom.
- (2) Ako student ima diplomu iz oblasti koja nije usko povezana sa programom koji upisuje na magistarskom studiju, vijeće fakulteta može odlučiti da studentu dodijeli dodatne predmete koje mora uspješno položiti prije registracije na studijski program.

### 1.3. Upis na doktorski studij –svi fakulteti

#### a) *Kriteriji za upis na studijski program*

#### Član 6.

- (1) Za prijavu na konkurs za upis u prvu godinu trećeg ciklusa studija kandidat je dužan podnijeti sljedeće dokumente:
- originalna diploma master studija;
  - originalni dodatak diplomi odnosno uvjerenje o položenim ispitima za studente koji su magistarski studij okončali po predbolonjskom programu;
  - izvod iz matične knjige rođenih;
  - uvjerenje o državljanstvu;
  - ljekarsko uvjerenje;
  - fotografije 4x (veličina kao za pasoš).
- (2) Pored dokumenata iz stava (1) ovog člana, obavezni kriterij za upis na studijski program je i intervju kandidata pred komisijom koju imenuje šef odsjeka.

#### b) *Kriteriji za registraciju na studijski program*

#### Član 7.

- (1) Za registraciju u okviru određenog studijskog programa, kandidat je obavezan:
- ispuniti upisni list i ŠV obrazac;
  - dokazati poznavanje engleskog jezika prema sljedećim kriterijima (pri prvoj registraciji):
    - a. položiti test engleskog jezika koji organizira Univerzitet – u slučaju da ovaj kriterij nije zadovoljen student je obavezan pohađati i uspješno okončati nastavu u okviru Pripremljene škole engleskog jezika
    - b. poznavanje određenog nivoa engleskog jezika može se dokazati i međunarodno priznatim certifikatima o poznavanju engleskog jezika kako slijedi:
      - TOEFL – Paper based test: minimum 500 bodova, Internet based test: minimum 60 bodova
      - IELTS (academic) – minimalni nivo 6.0
      - FCE (Cambridge English: First) – minimalni nivo C

- drugi međunarodno priznati certifikat uz odobrenje Pripremljene škole engleskog jezika
  - c. izuzetak: kandidati koji su prethodno obrazovanje završili na engleskom jeziku nisu dužni polagati test engleskog jezika
  - izmiriti postojeće finansijske obaveze prema Univerzitetu ako su iste nastale od momenta potpisivanja ugovora o studiranju do momenta registracije u okviru studijskog programa;
  - registrovati predmete predviđene nastavnim planom i programom.
- (2) Ako student ima diplomu iz oblasti koja nije usko povezana sa programom koji upisuje na doktorskom studiju, vijeće fakulteta može odlučiti da studentu dodijeli dodatne predmete koje mora uspješno položiti prije registracije na studijski program.

#### **1.4. Ugovor o studiranju i finansijske obaveze studenata**

##### **Član 8.**

- (1) Na osnovu provedenog konkursa za upis i objavljivanja konačne liste primljenih studenata, kandidati su obavezni potpisati ugovore o studiranju sa Univerzitetom sukladno odredbama Zakona o visokom obrazovanju.
- (2) Ugovorom o studiranju se reguliše status studenta, prava i obaveze studenta i Univerziteta, kao i finansijske obaveze studenta prema Univerzitetu.

##### **Član 9.**

Student ima pravo i obavezu da studira po usvojenim i odobrenim pravilima studiranja i nastavnim planu i programu, te da bude ispitivan i ocjenjivan u skladu sa pravilima koja su transparentna, pravična i dostupna svakom studentu. Student ima pravo na:

- prisustvovanje svim oblicima nastave;
- kvalitetan nastavni proces u skladu sa usvojenim i odobrenim nastavnim planom i nastavnim programom;
- blagovremeno i tačno informisanje o svim pitanjima koja se odnose na studij;
- ravnopravnost u pogledu uslova studija i tretmana na Univerzitetu;
- različitost i zaštitu od diskriminacije;
- korištenje biblioteke i drugih usluga koje se pružaju studentima na Univerzitetu, a u skladu sa aktima Univerziteta;
- konsultacije i pomoć akademskog osoblja u savladavanju nastavnog sadržaja, a posebno pri izradi završnog rada;
- slobodu mišljenja i iznošenja ličnih stavova koji su u vezi sa nastavnim sadržajem u toku realiziranja nastavnog procesa;
- evaluaciju rada akademskog osoblja;
- učešće u postupku izbora za studentsko predstavničko tijelo i druga tijela ustanovljena statutom Univerziteta;
- sudjelovanje u radu studentskih organizacija;
- sudjelovanje u radu i odlučivanju tijela Univerziteta u skladu sa Statutom;
- druga prava predviđena Zakonom, Statutom i drugim općim aktima Univerziteta.

##### **Član 10.**

Student ima sljedeće obaveze:

- pridržavati se pravila studiranja i drugih općih akata Univerziteta;
- ispunjavati nastavne i druge obaveze u skladu sa usvojenim planom i programom;
- iskazivati poštivanje prema pravima akademskog i neakademskog osoblja, kao i pravima drugih studenata na Univerzitetu;
- uredno izvršavati svoje studijske obaveze i učestvovati u akademskim aktivnostima;
- poštivati kućni red Univerziteta i etički kodeks;
- uredno izvršavati finansijske obaveze preuzete ugovorom o studiranju i eventualnim aneksima ugovora.

### **Član 11.**

- (1) Studenti imaju obavezu plaćati školarinu sukladno cijenama koje utvrđuje Upravni odbor Univerziteta.
- (2) U iznos školarine se uračunava i stipendija / popust na školarinu koju svaki student može steći na osnovu Pravilnika o stipendiranju Univerziteta.
- (3) Ugovorom o studiranju se definiše iznos školarine, stipendije i drugi detalji u vezi finansijskih obaveza studenta.

### **Član 12.**

- (1) Školarina ne uključuje troškove izrade diploma, kupovine školskog pribora, kupovinu ili rentanje knjiga, hemijskih supstanci i drugih potrebnih uređaja za vršenje eksperimentalnih i drugih radova i projekata, kao ni troškove učešća u raznim kursovima i obukama za koje se dobijaju posebni certifikati, a koji nisu dio redovne nastave, niti troškove izleta i ekskurzija.
- (2) Školarina ne pokriva troškove smještaja, ishrane, prijevoza, kao ni ostale troškove koji ne ulaze u obaveze Univerziteta u skladu sa ugovorom o studiranju.
- (3) Pored troškova iz prethodnih stavova, u školarinu ne ulaze naknade za dodatne usluge studenata u skladu sa posebnom odlukom Upravnog odbora Univerziteta.

### **Član 13.**

- (1) Način izmirenja finansijskih obaveza studenta reguliše se detaljno ugovorom o studiranju.
- (2) U slučaju nepoštivanja obaveza preuzetih ugovorom o studiranju, Univerzitet primjenjuje mjere naplate školarine i drugih naknada sukladno usvojenim procedurama.

### **Član 14.**

- (1) U slučaju ispisa sa Univerziteta, Univerzitet zadržava pravo da, na ime izmakle dobiti po osnovu ugovora o studiranju, naplati od studenta školarinu u punom iznosu za svaki započeti semestar bez obzira da li je student pohađao nastavu u tom semestru.
- (2) Student ima pravo na povrat uplaćenih sredstava za semestar u kojem se ispisuje pod sljedećim uslovima:
  - za zahtjev za ispis podnesen prije početka semestra (predavanja) studentu se vraća uplaćena školarina umanjena za 50%;
  - nakon početka predavanja, bez obzira na pohađanje nastave, student nema pravo na povrat bilo kakve školarine uplaćene za taj semestar.
- (3) Početkom semestra smatra se datum utvrđen akademskim kalendarom za tekuću akademsku godinu.
- (4) Pravo na povrat nemaju studenti čiji ispis je rezultat izricanja disciplinske mjere.

- (5) Studenti pripreme škole engleskog jezika, koji steknu zadovoljavajući nivo znanja engleskog jezika, odnosno polože test engleskog jezika prije isteka prvog semestra, nemaju pravo na povrat uplaćenih sredstava već će ista biti uračunata u cijenu školarine za redovni studij.
- (6) Ukoliko uplaćeni iznos, iz prethodnog stava, prelazi visinu godišnje školarine regularnog studija, isti će se uračunati u školarinu za narednu akademsku godinu ili će se, na zahtjev studenta, izvršiti povrat sredstava.

### **Član 15.**

Odredbe ovog Pravilnika o finansijskim i drugim obavezama studenata jednako se odnose na domaće i strane studente.

## **2. Kriteriji za strane studente**

### **2.1. Opći uslov**

#### **Član 16.**

Pravo upisa na Internacionalni Burč univerzitet imaju strani državljani sa stečenim odgovarajućim srednjoškolskim, dodiplomskim ili magistarskim obrazovanjem i nostrifikovanim diplomom, u skladu sa relevantnim propisima, konvencijama i međudržavnim ugovorima koji obavezuju Bosnu i Hercegovinu na način i pod uslovima utvrđenim Zakonom o visokom obrazovanju.

#### **Član 17.**

Za studij na Univerzitetu, kandidati – strani državljani moraju imati regulisan stalni ili privremeni boravak u Bosni i Hercegovini u skladu sa Zakonom o strancima Bosne i Hercegovine (u daljem tekstu: Zakon o strancima).

### **2.2. Postupak apliciranja i provjere ispunjenosti uslova za upis na Univerzitet**

#### **Član 18.**

- (1) Prije zvanične prijave na konkurs za upis na Univerzitet, kandidat – strani državljanin je dužan podnijeti elektronsku / online aplikaciju na osnovu koje se provjerava ispunjenost uslova za studij prema relevantnim zakonima Bosne i Hercegovine i propisima Internacionalnog Burč univerziteta.
- (2) Pri podnošenju aplikacije iz prethodnog stava, strani državljanin dostavlja i sljedeće dokumente u elektronskom obliku:
  - Pasoš;
  - Diploma o završenom srednjoškolskom obrazovanju, dodiplomskom, odnosno magistarskom studiju, ovisno o ciklusu studija na koji aplicira;
  - Rodni list;
  - Uvjerenje o nekažnjavanju;
  - Biografiju / CV;
  - Potvrdu o poznavanju engleskog jezika ukoliko istu posjeduje; i
  - Dokaz o uplati naknade za aplikaciju u iznosu od 500,00 KM u skladu sa posebnom odlukom Upravnog odbora Univerziteta.

#### **Član 19.**

Formu elektronske aplikacije utvrđuje Univerzitet i objavljuje na svojoj web stranici.

#### **Član 20.**

- (1) Po dostavljanju aplikacije i dokumenata iz prethodnog člana, vrši se provjera ispunjenosti uslova za studij na Univerzitetu.
- (2) Ako odgovorna služba Univerziteta utvrdi ispunjenost uslova za studij, kandidatu se elektronski dostavlja potvrda o ispunjenosti formalnih uslova za studij (acceptance letter), te se određuje datum video intervjua kandidata sa predstavnicima Univerziteta.
- (3) Intervju iz prethodnog stava služi da se dodatno provjere uslovi za upis iz člana 11. ovog Pravilnika i, bez obzira na ispunjenost formalnih uslova, predstavlja eliminatorni uslov za upis na Univerzitet.

#### **Član 21.**

- (1) U toku postupka provjere aplikacije i dostavljene dokumentacije, posebna komisija koju imenuje Generalni sekretar Univerziteta naročito provjerava vjerodostojnost i validnost diplome o završenom srednjoškolskom obrazovanju.
- (2) Ako se radi o provjeri diplome dodiplomskog ili magistarskog studija, Univerzitet istu provjerava u saradnji sa Centrom za informiranje i priznavanje dokumenata iz oblasti visokog obrazovanja u BiH.

#### **Član 22.**

- (1) Ako kandidat – strani državljanin ispunjava uslove iz prethodnih članova, te uspješno zadovolji kriterije Univerziteta na razgovoru putem video veze, Univerzitet pokreće proceduru za pribavljanje pozivnog pisma u skladu sa Zakonom o strancima.
- (2) Nakon ovjeravanja pozivnog pisma od strane nadležne Službe za poslove sa strancima, Univerzitet dostavlja pozivno pismo kandidatu – stranom državljaninu radi pokretanja procedure za dobijanje vize D (viza za dugoročni boravak).
- (3) Prije slanja pozivnog pisma u svrhu procedure za dobijanje vize D, kandidat potpisuje predugovor o studiranju sa Univerzitetom i uplaćuje naknadu u iznosu od 50% školarine za prvu godinu studija, a taj iznos naknade mu se uračunava u školarinu ukoliko uspješno kompletira upis na Univerzitet.
- (4) Ako kandidat bude odbijen u proceduri dobijanja vize D, ima pravo na povrat iznosa od 80% naknade po potpisanom predugovoru o studiranju.
- (5) Univerzitet ima pravo zadržati uplaćenu naknadu iz predugovora o studiranju u cijelosti ako je kandidat – strani državljanin dobio vizu D, ali je bez opravdanog razloga odustao od upisa na Univerzitet.

#### **Član 23.**

- (1) Kada kandidat za upis uspješno dobije vizu D, dužan je obavijestiti Univerzitet o planu dolaska radi nastavka procedure upisa.
- (2) Kandidat je obavezan u roku od 8 (osam) dana od ulaska u državu potpisati sa Univerzitetom ugovor o studiranju i predati originalne dokumente za upis u skladu sa kriterijima propisanim ovim Pravilnikom.

#### **Član 24.**



- (1) Na osnovu uspješnog upisa studenta – stranog državljanina, Univerzitet pokreće postupak nostrifikacije diplome odgovarajućeg stepena obrazovanja, te postupak za odobravanje privremenog boravka u skladu sa Zakonom o strancima.
- (2) Pri pokretanju procedure za privremeni boravak i nostrifikaciju diplome, student uplaćuje naknadu na račun Univerziteta u iznosu od 600,00 KM (takse, ovjere dokumentacije, osiguranje, prijevodi dokumenata itd.) sukladno posebnoj odluci Upravnog odbora.
- (3) Po dobijanju privremenog boravka u trajanju od jedne godine, student pristupa studijskom programu na koji se upisao.

### **2.3. Upis na dodiplomski studij - svi fakulteti**

#### ***a) Kriteriji za upis na studijski program***

#### **Član 25.**

Za prijavu na konkurs za upis u prvu godinu prvog ciklusa studija kandidat je dužan podnijeti sljedeće dokumente:

- originalna srednjoškolska diploma (ovjerena „Apostille“ pečatom);
- originalni transkripti iz srednje škole (certifikati o završetku I, II, III i IV razreda srednje škole) (ovjereni „Apostille“ pečatom);
- rješenje o nostrifikaciji diplome ili potvrdu da je proces nostrifikacije diplome započeo;
- izvod iz matične knjige rođenih;
- kopija pasoša;
- fotografije 5x (veličina kao za pasoš);
- lječarsko uvjerenje izdato u Bosni i Hercegovini.

#### ***b) Kriteriji za registraciju na studijski program***

#### **Član 26.**

Za registraciju u okviru određenog studijskog programa, kandidat je obavezan:

- dostaviti potvrdu o uplati školarine za prvi semestar studija;
- ispuniti upisni list i ŠV obrazac;
- dokazati poznavanje engleskog jezika prema sljedećim kriterijima (pri prvoj registraciji):
  - a. položiti test engleskog jezika koji organizira Univerzitet – u slučaju da ovaj kriterij nije zadovoljen student je obavezan pohađati i uspješno okončati nastavu u okviru Pripreme škole engleskog jezika
  - b. poznavanje određenog nivoa engleskog jezika može se dokazati i međunarodno priznatim certifikatima o poznavanju engleskog jezika kako slijedi:
    - TOEFL – Paper based test: minimum 453 boda, Internet based test: minimum 46 bodova
    - IELTS (academic) – minimalni nivo 5.5
    - FCE (Cambridge English: First) – minimalni nivo C
    - drugi međunarodno priznati certifikat uz odobrenje Pripreme škole engleskog jezika
  - c. izuzetak: kandidati koji su prethodno obrazovanje završili na engleskom jeziku nisu dužni polagati test engleskog jezika
- izmiriti postojeće finansijske obaveze prema Univerzitetu ako su iste nastale od momenta potpisivanja ugovora o studiranju do momenta registracije u okviru studijskog programa;

- registrovati predmete predviđene nastavnim planom i programom.

## 2.4. Upis na magistarski studij – svi fakulteti

### a) *Kriteriji za upis na studijski program*

#### Član 27.

- (1) Za prijavu na konkurs za upis u prvu godinu drugog ciklusa studija kandidat je dužan podnijeti sljedeće dokumente:
  - originalna diploma dodiplomskog studija (ovjerena „Apostille“ pečatom);
  - uvjerenja o položenim ispitima sa dodiplomskog studija (ovjereno „Apostille“ pečatom);
  - rješenje o nostrifikaciji diplome ili potvrdu da je proces nostrifikacije diplome započet;
  - izvod iz matične knjige rođenih;
  - kopija pasoša;
  - fotografije 5x (veličina kao za pasoš);
  - ljekarsko uvjerenje izdato u Bosni i Hercegovini.
- (2) Pored dokumenata iz stava (1) ovog člana, obavezni kriterij za upis na studijski program je i intervju kandidata pred komisijom koju imenuje šef odsjeka.

### b) *Kriteriji za registraciju na studijski program*

#### Član 28.

- (1) Za registraciju u okviru određenog studijskog programa, kandidat je obavezan:
  - dostaviti potvrdu o uplati školarine za prvi semestar studija;
  - ispuniti upisni list i ŠV obrazac;
  - dokazati poznavanje engleskog jezika prema sljedećim kriterijima (pri prvoj registraciji):
    - a. položiti test engleskog jezika koji organizira Univerzitet – u slučaju da ovaj kriterij nije zadovoljen student je obavezan pohađati i uspješno okončati nastavu u okviru Pripreme škole engleskog jezika
    - b. poznavanje određenog nivoa engleskog jezika može se dokazati i međunarodno priznatim certifikatima o poznavanju engleskog jezika kako slijedi:
      - TOEFL – Paper based test: minimum 500 bodova, Internet based test: minimum 60 bodova
      - IELTS (academic) – minimalni nivo 6.0
      - FCE (Cambridge English: First) – minimalni nivo C
      - drugi međunarodno priznati certifikat uz odobrenje Pripreme škole engleskog jezika
    - c. izuzetak: kandidati koji su prethodno obrazovanje završili na engleskom jeziku nisu dužni polagati test engleskog jezika
  - izmiriti postojeće finansijske obaveze prema Univerzitetu ako su iste nastale od momenta potpisivanja ugovora o studiranju do momenta registracije u okviru studijskog programa;
  - registrovati predmete predviđene nastavnim planom i programom.
- (2) Ako student ima diplomu iz oblasti koja nije usko povezana sa programom koji upisuje na magistarskom studiju, vijeće fakulteta može odlučiti da studentu dodijeli dodatne predmete koje mora uspješno položiti prije registracije na studijski program.

## 2.5. Upis na doktorski studij – svi fakulteti

### a) Kriteriji za upis na studijski program

#### Član 29.

- (1) Za prijavu na konkurs za upis u prvu godinu trećeg ciklusa studija kandidat je dužan podnijeti sljedeće dokumente:
  - originalna diploma master studija (ovjerena „Apostille“ pečatom);
  - uvjerenja o položenim ispitima sa magistarskog studija (ovjereno „Apostille“ pečatom);
  - rješenje o nostrifikaciji diplome ili potvrdu da je proces nostrifikacije diplome započet;
  - izvod iz matične knjige rođenih;
  - kopija pasoša;
  - fotografije 5x (veličina kao za pasoš);
  - ljekarsko uvjerenje izdato u Bosni i Hercegovini.
- (2) Pored dokumenata iz stava (1) ovog člana, obavezni kriterij za upis na studijski program je i intervju kandidata pred komisijom koju imenuje šef odsjeka.

### b) Kriteriji za registraciju na studijski program

#### Član 30.

- (1) Za registraciju u okviru određenog studijskog programa, kandidat je obavezan:
  - dostaviti potvrdu o uplati školarine za prvi semestar studija;
  - ispuniti upisni list i ŠV obrazac;
  - dokazati poznavanje engleskog jezika prema sljedećim kriterijima (pri prvoj registraciji):
    - a. položiti test engleskog jezika koji organizira Univerzitet – u slučaju da ovaj kriterij nije zadovoljen student je obavezan pohađati i uspješno okončati nastavu u okviru Pripreme škole engleskog jezika
    - b. poznavanje određenog nivoa engleskog jezika može se dokazati i međunarodno priznatim certifikatima o poznavanju engleskog jezika kako slijedi:
      - TOEFL – Paper based test: minimum 500 bodova, Internet based test: minimum 60 bodova
      - IELTS (academic) – minimalni nivo 6.0
      - FCE (Cambridge English: First) – minimalni nivo C
      - drugi međunarodno priznati certifikat uz odobrenje Pripreme škole engleskog jezika
    - c. izuzetak: kandidati koji su prethodno obrazovanje završili na engleskom jeziku nisu dužni polagati test engleskog jezika
  - izmiriti postojeće finansijske obaveze prema Univerzitetu ako su iste nastale od momenta potpisivanja ugovora o studiranju do momenta registracije u okviru studijskog programa;
  - registrovati predmete predviđene nastavnim planom i programom.
- (2) Ako student ima diplomu iz oblasti koja nije usko povezana sa programom koji upisuje na doktorskom studiju, vijeće fakulteta može odlučiti da studentu dodijeli dodatne predmete koje mora uspješno položiti prije registracije na studijski program.

### **III. STICANJE VISOKOŠKOLSKIH KVALIFIKACIJA**

#### **1. Kriteriji za sticanje diplome na dodiplomskom studiju – svi fakulteti**

##### **Član 31.**

Kriteriji za sticanje diplome na dodiplomskom studiju su sljedeći:

- uspješno polaganje svih predmeta predviđenih nastavnim planom i programom, te sticanje 180 ili 240 ECTS studijskih bodova ovisno od studijskog programa koji student pohađa;
- uspješna odbrana završnog/diplomskog rada u skladu sa smjernicama za pisanje završnih radovana Univerzitetu (ako je završni/diplomski rad predviđen nastavnim planom i programom).

#### **2. Kriteriji za sticanje diplome na magistarskom studiju – svi fakulteti**

##### **Član 32.**

Kriteriji za sticanje diplome na magistarskom studiju su sljedeći:

- uspješno polaganje svih predmeta predviđenih nastavnim planom i programom, te sticanje 120 ili 60 ECTS studijskih bodova ovisno da li je studijski program koncipiran prema modelu 3+2 ili 4+1;
- uspješna odbrana završnog/ magistarskog rada u skladu sa smjernicama za pisanje završnih radovana Univerzitetu;
- ispunjavanje zahtjeva u pogledu objavljivanja naučnih radova (detaljnije regulisano Pravilima studiranja za drugi ciklus studija).

#### **3. Kriteriji za sticanje diplome na doktorskom studiju – svi fakulteti**

##### **Član 33.**

Kriteriji za sticanje diplome na doktorskom studiju su sljedeći:

- uspješno polaganje svih predmeta predviđenih nastavnim planom i programom, te sticanje 180 ECTS studijskih bodova;
- uspješna odbrana doktorske disertacije u skladu sa smjernicama za pisanje završnih radovana Univerzitetu;
- ispunjavanje zahtjeva u pogledu objavljivanja naučnih radova (detaljnije regulisano Pravilima studiranja za treći ciklus studija).

### **IV. POSTUPAK EKVIVALENCIJE, PRIZNAVANJE POLOŽENIH PREDMETA I UPIS PUTEM PRELAZA**

##### **Član 34.**

Studenti koji su uspješno okončali studij ili dio studija na drugim domaćim ili stranim visokoškolskim ustanovama imaju pravo podnijeti zahtjev za upis putem prijelaza na isti ili srodan studijski program na Internacionalni Burč univerzitet, uz zahtjev da im se priznaju predmeti i ECTS studijski bodovi ostvareni na prethodno položenim predmetima ukoliko se sadržaj položenih predmeta u bitnim dijelovima ne razlikuje od sadržaja predmeta predviđenih studijskim programom kojeg pohađaju ili namjeravaju pohađati na Internacionalnom Burč univerzitetu, odnosno čiji se nivo i vrsta stečenog znanja (ishodi

učenja) i kompetencije bitno ne razlikuju od nivoa, vrste znanja i kompetencija koje se stiču na odgovarajućim predmetima na Univerzitetu.

### **Član 35.**

Zahtjev za upis putem prelaza kao i za priznanje predmeta i ECTS studijskih bodova podnosi se sekretaru fakulteta i uz njega se prilaže:

1. uvjerenje o položenim predmetima (transkript)
2. nastavni plan i program sa opisom predmeta.

### **Član 36.**

Zahtjev sa svim potrebnim elementima iz prethodnog člana sekretar fakulteta dužan je u roku od 3 (tri) radna dana proslijediti dekanu fakulteta na kojem se realizuje studijski program koji student želi upisati.

### **Član 37.**

- (1) Dekan fakulteta po zaprimljenom zahtjevu imenuje komisiju za provođenje postupka priznavanja i ekvivalencije predmeta (u daljem tekstu: Komisija).
- (2) Dekan može imenovati i stalne komisije po odsjecima/studijskim programima koje će redovno obavljati postupke priznavanja i ekvivalencije.
- (3) Broj i sastav članova Komisije određuje dekan.
- (4) Članovi Komisije su u pravilu članovi akademskog osoblja Univerziteta ili druge visokoškolske ustanove koji u času odlučivanja o ekvivalenciji imaju odluke o izboru u zvanje na potrebnu oblast ili pripadajuće predmete za koje se traži priznavanje.

### **Član 38.**

- (1) Komisija sačinjava izvještaj sa sljedećim sadržajem:
  - popis predmeta koje je student položio na prethodnom studiju ili dijelu studija, a koji se priznaju;
  - opis/stručno mišljenje da li se nivo i vrsta znanja, vještina i kompetencija odnosno ishodi učenja stečenih na prethodno položenim predmetima bitno ne razlikuju od nivoa i vrste znanja, vještina i kompetencija koje se stiču predmetima čije se priznavanje traži;
  - prijedlog da se zahtjev za prelaz kandidata odobri u potpunosti, djelimično prihvati ili odbije;
  - potpis svih članova Komisije.
- (2) Pored navedenih elemenata, Komisija će detaljno obrazložiti argumente i zaključke na kojima temelji svoj prijedlog vijeću fakulteta.

### **Član 39.**

- (1) Izuzetno, ukoliko Komisija na osnovu priloženih dokumenata ne može ustanoviti nivo i vrstu znanja, vještina i kompetencija koje je student stekao na položenom predmetu, Komisija će uputiti studenta da u roku od 10 (deset) dana dostavi dokumente iz kojih se potrebne informacije mogu verificirati.
- (2) Nakon protoka roka za dostavu dodatnih dokumenata, odnosno 10 (deset) dana po dobijanju svih potrebnih dokumenata, Komisija podnosi izvještaj dekanu koji je dužan isti uvrstiti u dnevni red naredne po rasporedu sjednice vijeća fakulteta.

#### **Član 40.**

- (1) Po prijemu izvještaja iz prethodnog člana, vijeće fakulteta na svojoj sjednici razmatra izvještaj, odlučuje o istom i svoju odluku, zajedno sa izvještajem, dostavlja dekanu fakulteta, koji u roku od 5 (pet) dana od dana prijema donosi rješenje.
- (2) Rješenje dekana, sadrži sljedeće elemente:
  - naziv predmeta i broj ECTS studijskih bodova sa drugog studijskog programa, odnosno druge visokoškolske ustanove koji je predmet priznavanja,
  - naziv predmeta i broj ECTS studijskih bodova na IBU-u koji su ekvivalentni predmetu koji se priznaje, i
  - oznaku studijskog programa, semestra i godine studija na koju se student može upisati po provedenom postupku priznavanja.

#### **Član 41.**

Priznavanjem predmeta priznaje se i ocjena kojom je student ocijenjen, te ostvareni broj bodova u skladu sa ECTS pravilima.

#### **Član 42.**

- (1) Bez obzira na broj priznatih predmeta koje student prenese sa drugih visokoškolskih ustanova ili nekog drugog studijskog programa u okviru Univerziteta, studentu će se izdati diploma o završenom ciklusu studija ukoliko u okviru studijskog programa na koji prelazi ostvari sljedeći minimalan broj ECTS studijskih bodova:
  - minimalno 30 ECTS studijskih bodova u okviru prvog ciklusa studija zajedno sa završnim radom kojeg mora završiti i odbraniti na Internacionalnom Burč univerzitetu;
  - minimalno 30 ECTS studijskih bodova u okviru drugog ciklusa studija zajedno sa završnim radom kojeg mora završiti i odbraniti na Internacionalnom Burč univerzitetu;
  - minimalno 60 ECTS studijskih bodova u okviru trećeg ciklusa studija zajedno sa završnim radom kojeg mora završiti i odbraniti na Internacionalnom Burč univerzitetu.
- (2) Na zahtjev studenta, vijeće fakulteta može u cijelosti ili djelimično osloboditi studenta obaveze ostvarivanja minimalnog broja ECTS studijskih bodova propisanih u prethodnom stavu.

### **V. PRIZNAVANJE ECTS BODOVA LICIMA KOJA SU STEKLA ZVANJE MAGISTRA NAUKA/UMJETNOSTI PO PREDOLONJSKOM SISTEMU OBRAZOVANJA**

#### **Član 43.**

Licima koja su stekla zvanje magistra nauka/umjetnosti prema propisima koji su bili na snazi prije stupanja na snagu Zakona o visokom obrazovanju ("Službene novine Kantona Sarajevo", broj: 43/08) tj. predbolonjskog sistema obrazovanja na univerzitetima u BiH ili inostranstvu, a koja upisuju treći ciklus srodnog studijskog programa na Internacionalnom Burč univerzitetu, imaju pravo podnijeti zahtjev za priznavanje ECTS studijskih bodova, a po osnovu stečenog zvanja magistra nauka/umjetnosti do maksimalnog obima od 60 ECTS studijskih bodova.

#### **Član 44.**

Dekan fakulteta će po zaprimljenom zahtjevu imenovati komisiju iz reda članova akademskog osoblja studijskog programa na kojem je student upisan.

#### **Član 45.**

Komisija za provođenje postupka priznavanja ECTS studijskih bodova je dužna utvrditi i sačiniti pismeni izvještaj o sljedećem:

- da li je zvanje magistra nauka/umjetnosti stečeno po propisima koji su bili na snazi prije stupanja na snagu Zakona o visokom obrazovanju (“Službene novine Kantona Sarajevo“, broj: 43/08);
- da li je na osnovu predmeta koje je položio tokom dodiplomskog i postdiplomskog studija student stekao dovoljan nivo naučnog znanja i kompetencija da se udovolji njegovom zahtjevu za priznavanjem ECTS studijskih bodova za nastavak studija na trećem ciklusu;
- obim ECTS studijskih bodova koji se studentu mogu priznati u nastavku školovanja na trećem ciklusu studija;
- prava i obaveze koje student ima nakon provedenog postupka priznavanja ECTS studijskih bodova.

#### **Član 46.**

- (1) Sačinjeni izvještaj o utvrđenim činjenicama i prijedlogom komisija predaje dekanu koji je dužan isti uvrstiti u dnevni red naredne po rasporedu sjednice vijeća fakulteta.
- (2) Vijeće fakulteta na svojoj sjednici razmatra izvještaj, odlučuje o istom i svoju odluku, zajedno sa izvještajem, dostavlja dekanu fakulteta koji u roku od 5 (pet) dana od dana prijema donosi rješenje u skladu sa navedenom odlukom.

#### **Član 47.**

Rješenje iz prethodnog stava, ukoliko se studentu priznaju ECTS studijski bodovi, sadrži sljedeće elemente:

- obim ECTS studijskih bodova koji se studentu priznaju u nastavku školovanja na III ciklusu studija;
- oznaka semestra, te godine studija na Univerzitetu, na koju se student može upisati po provedenom postupku priznavanja;
- prava i obaveze u nastavku studija na III ciklusu.

#### **Član 48.**

Izmjene i dopune ovog Pravilnika vrše se u postupku i na način kako je donesen osnovni Pravilnik.

#### **Član 49.**

Ovaj Pravilnik stupa na snagu danom donošenja.

Broj: 01-23/20  
Sarajevo, 29.01.2020. godine

**Predsjedavajući Senata**  
Prof. dr. Mersid Poturak